

Feihyiz Guekgya Gaep: Fwenha Bouxcuengh

□ Daengningh cingjleix



Fwenha Bouxcuengh miz youq gih raeuz ranghdieg doxnem youq baihoeng Majsanh Yen caeuq Sanglinz Yen, daihbouhaenh cienz-lah youq ranghdieg Bouxcuengh youz Majsanh, Sanglinz, Yinhcwnz daengj sam aen yienh neix doxgyau haenx; ndawde baihoeng Majsanh Yen Gujcai, Gyahfanh, Lijdangh caeuq Gujlingz daengj yanghcin dwg ranghdieg comz miz lai; vunzlai Bouxcuengh heuhguh “fwenha” (hoiz baenz Vahgun eiqsei dwg “sing doxha”). Fwenha Bouxcuengh cei caeux youq Cuihdangz Cuihsung couh miz, daengz Cuihmingz Cuihcingh hwnghoengh.

Fwenha Bouxcuengh youq ndaw biengz Bouxcuengh cienz ciengq, ciengq saedceij, guhhong, doxgyau guh'angq, guhyoux, couxbawx haqlwg, hai ranzcai caeuq baiqbaed daengj, ndawde guh couxbawx haqlwg, hai ranzcai caeuq baiqbaed daengj yizsi lai hungnaek; gij fwen neix neiyungz yienh'ok doenghgie daengdiemj vwnzva Bouxcuengh gven-daengz saedceij, guhhong, fungsug, sibgvenq daengj, gangj ok le vunz Bouxcuengh baenzlawz roxyiuj caeuq gyaepaeu saedceij gyaunde, yienh'ok doenghgie daengdiemj cing-saenz Bouxcuengh cojmiz haenx couhdwg gag aeu ak mbouj daengx, simhai sim'angq cungj aeu lai ndei. Fwenha Bouxcuengh dwg vwnzyoz bakgangj Bouxcuengh, de haenh

doenghgie caen, ndei, gyaue ndaw saedceij, vetfad doenghgie gyaj, yak, nyauq ndaw saedceij, dwg gaiq bauj yisuz minzcuz ndawbiengz.

Fwenha Bouxcuengh miz sam aen singbough, singbough daih'it, daihngieh daiyauj singdaez, youz bouxcienqdaez ciengq, singbough daihsam dwg doihhaciengq youz song bou doxhwnj gyoebbaenz haenx riengz ciengq, singbough daih'it, daihngieh yaemdiuh gagdog, singbough daihsam boiq sing riengz singq. Fwenha Bouxcuengh sam aen singbough gak aen gagdog youh doxha doxboiq ndaej ngamjndei, neix youq ndaw fwenbiengz lajmbwn cungj noix raen. Fwenha Bouxcuengh ndaej



▲ Boux swncienz fwenha Bouxcuengh Vwnh Gveiyenz caeuq bouxhek dangciengz doiq fwen.

▲ Vunz Bouxcuengh Majsanh cingq ciengq fwenha Bouxcuengh.



▲ Vunzlai ciengq fwenha Bouxcuengh 《Doxgyaez Yiemz Seiz Dinj》.



▲ Gyoengq siujhagseng Majsanh Yen daengz Haijnanz yienj-ciengq fwenha Bouxcuengh.




▲ Majsanh Yen feihyiz baij-yienjdoih dawz fwenha Bouxcuengh ciengq daengz Cwngzduh.



▲ Gyoengq canghfwen fwenha Bouxcuengh haengi-heiq ciengq fwen.



▲ Gyoengq canghfwen fwenha Bouxcuengh lai baez camgya doxdax caemhcai ndaej ciengjgim.



▲ Aen cozbij fwenha Bouxcuengh Majsanh 《Boux-hoiq Haemzhøj》.



▲ Fwenha Bouxcuengh ciengq daengz ndaw dinggim Veizyejaz.



▲ Canghfwen dangciengz ciengq fwenha Bouxcuengh.



▲ Gyoengq canghfwen fwenha Bouxcuengh ndaej vunz rogguek gyaemaij.



▲ Gyoengq canghfwen fwenha Bouxcuengh caez sing angq ciengq.